



02 MAY, 2026

Pasar raya tumpuan di Merlimau terbakar

Kosmo, Malaysia



Pasar raya tumpuan di Merlimau terbakar

JASIN – Sebuah pasar raya yang sering menjadi tumpuan penduduk setempat di Jalan Debunga, Merlimau di sini, musnah kira-kira 60 peratus dalam kebakaran malam kelmarin.

Kejadian dipercayai bermula kira-kira pukul 11 malam.

Pegawai Perhubungan Awam Jabatan Bomba dan Penyelamat Malaysia (JBPM) Melaka, Timbalan Penguasa Bomba II Mohd. Hafidzatullah Rashid berkata, pihaknya menerima panggilan kecemasan pada pukul 11.04 malam.

“Seramai 13 anggota dari Balai Bomba dan Penyelamat (BBP) Merlimau dengan bantuan BBP Jasin Bestari dikejarkan ke lokasi kejadian.

“Setibanya di lokasi, kebakaran melibatkan sebuah pasar raya dengan anggaran kemus-

nahan kira-kira 60 peratus,” katanya.

Menurutnya, operasi pemadaman menggunakan dua aliran hos sepanjang kira-kira 61 meter dengan sumber air daripada tangki jentera.

“Tiada mangsa dilaporkan terlibat dalam kejadian ini dan kebakaran berjaya dikawal pada pukul 12.44 tengah malam sebelum operasi ditamatkan sepenuhnya kira-kira pukul 2.46 pagi.

“Pemeriksaan lanjut turut mendapati tiada lagi punca kemerbahayaan di lokasi sebelum pasukan beredar,” ujarinya.

Tambah beliau, bantuan turut melibatkan pihak Tenaga Nasional Berhad (TNB) dan Polis Diraja Malaysia (PDRM) bagi memastikan keselamatan kawasan sepanjang operasi dijalankan.



ANGGOTA bomba memadam kebakaran melibatkan sebuah pasar raya di Merlimau, Jasin malam kelmarin.